

**«Հայաստանի Հանրապետության կառավարության
2022 թվականի հուլիսի 28-ի N 1180-Ն որոշման
մեջ լրացումներ և փոփոխություններ կատարելու
մասին» Հայաստանի Հանրապետության
կառավարության որոշման նախագիծ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2024 թվականի N ____ -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2022 ԹՎԱԿԱՆԻ ՀՈՒՆԻՍԻ
28-Ի N 1180-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ**

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածների դրույթներով՝ Հայաստանի Հանրապետության կառավարությունը **որոշում է**.

1. Հայաստանի Հանրապետության կառավարության 2022 թվականի հուլիսի 28-ի «Անձի ֆունկցիոնալության գնահատման կարգը հաստատելու մասին» N 1180-Ն որոշման (այսուհետ՝ որոշում) մեջ կատարել հետևյալ լրացումները և փոփոխությունները.

1) որոշման հավելվածի 7-րդ կետի № 1 աղյուսակը շարադրել հետևյալ նոր խմբագրությամբ.

«Աղյուսակ N 1. Օրգանիզմի ֆունկցիաները և մարմնի կառուցվածքը, անձի գործունեությունը և մասնակցությունը գնահատող մասնագետներ

Օրգանիզմի ֆունկցիաները և մարմնի կառուցվածքը

Անձի գործունեության մասնակցություն

գնահատող մասնագետներ

գնահատող

մասնագետներ

1. Օրթոպեդ

22. Մանկաբույժ

1. Հոգեբան

2. Վնասվածքաբան

23. Մանկական օրթոպեդ-վնասվածքաբան

2. Կինեզոլոգ

3. Ակնաբույժ

24. Մանկական ակնաբույժ

3. Էրգոթերապևտ

4. Սրտաբան

25. Մանկական սրտաբան

4. Լոգոպեդ

- | | | |
|-------------------------|------------------------------------|--------------------------|
| 5. Քիթ-կոկորդ-ականջաբան | 26. Մանկական նյարդաբան | 5. Տիֆլոմանկա |
| 6. Նյարդավիրաբույժ | 27. Մանկական քիթ- կոկորդ-ականջաբան | 6. Սուրդոմանկա |
| 7. Հոգեբույժ | 28. Մանկական նյարդավիրաբույժ | 7. Օլիգոֆրենո |
| 8. Էնդոկրինոլոգ | 29. Մանկական հոգեբույժ | 8. Սոցիալական |
| 9. Վիրաբույժ | 30. Մանկական ներզատաբան | 9. Մանկական |
| 10. Նյարդաբան | 31. Մանկական վիրաբույժ | 10. Հատուկ մա |
| 11. Թերապևտ | | 11. Վերականգ |
| 12. Արյունաբան | | 12. Մանկական վերականգնող |
| 13. Աղետամոռսաբան | | 13. ֆիզիոթերա |
| 14. Նեֆրոլոգ/երիկամաբան | | |
| 15. Ուռուցքաբան | | |
| 16. Մաշկաբան | | |
| 17. Ռևմատոլոգ | | |
| 18. Ուռուլոգ | | |
| 19. Թոքաբան | | |
| 20. Ֆտիզիատր | | |
| 21. Ընտանեկան բժիշկ | | |

».

2) որոշման հավելվածի 14-րդ կետի 2-րդ ենթակետում «:» կետադրական նշանը փոխել «.» կետադրական նշանով և կետը լրացնել հետևյալ բովանդակությամբ՝ 3-րդ և 4-րդ ենթակետերով՝

«3) անժամկետ հաշմանդամություն ունեցող անձանց կողմից իրենց ցանկությամբ դիմելու դեպքում.

4) ծառայությունների անհատական ծրագիր կազմելու դեպքում, եթե հաշմանդամություն ունեցող անձը այն երբևէ չի ստացել:».

3) որոշման հավելվածի 15-րդ կետի 2-րդ ենթակետում «բողոքարկելու» բառից հետո լրացնել «կամ ծառայությունների անհատական ծրագրում փոփոխություն (լրացում) կատարելու» բառերը, իսկ 3-րդ ենթակետում՝

«հայտնաբերվելու» բառից հետո լրացնել «կամ ծառայությունների անհատական ծրագրում ներառված միջոցառումների վերանայման» բառերը.

4) որոշման հավելվածի 30-րդ կետը շարադրել հետևյալ խմբագրությամբ.

«30. Անձի ֆունկցիոնալության գնահատման համար դիմումը կարող է ներկայացվել առցանց կամ առձեռն ծառայության ցանկացած տարածքային կենտրոն:».

5) որոշման հավելվածի 32-րդ կետը շարադրել հետևյալ խմբագրությամբ.

«32. Ծառայության տարածքային կենտրոնը դիմումը և էլեկտրոնային համակարգում բացակայող փաստաթղթերն առձեռն ստանալու դեպքում այն մուտքագրում է էլեկտրոնային համակարգ: Եթե դիմումատուն չի ներկայացրել ինքնագնահատման հարցաշարը, ապա առձեռն ստանալու դեպքում դիմումը ներկայացնելու պահին դիմումատուի հետ համատեղ այն մուտքագրում է էլեկտրոնային համակարգ:».

6) որոշման հավելվածի 32.1-ին կետն ուժը կորցրած ճանաչել.

7) որոշման հավելվածի 42-րդ կետից հանել «տասնվեց նիշանոց» բառերը.

8) որոշման հավելվածի 50.2-րդ կետի 5-րդ ենթակետում «:» կետադրական նշանը փոխել «.» կետադրական նշանով և կետը լրացնել հետևյալ բովանդակությամբ՝ նոր՝ 6-րդ ենթակետով՝

«6) մահվան մասին բժշկական վկայական:».

9) որոշման հավելվածի 75-րդ կետի 2-րդ ենթակետում «:» կետադրական նշանը փոխել «.» կետադրական նշանով և կետը լրացնել հետևյալ բովանդակությամբ՝ նոր՝ 3-րդ ենթակետով՝

«3) դիմելու պահին մետաստազների առկայությամբ:».

10) որոշման հավելվածի 76-րդ կետի 5-րդ ենթակետը շարադրել հետևյալ խմբագրությամբ.

«5) Արհեստական կայուն բացվածքների առկայություն (Z93).» .

11) որոշման հավելվածի 76-րդ կետի 6-րդ ենթակետում «:» կետադրական նշանը փոխել «.» կետադրական նշանով և կետը լրացնել հետևյալ բովանդակությամբ՝ նոր՝ 7-րդ ենթակետերով՝

«7) կոկորդի բացակայություն Z90.0:».

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից: